

Synopsis specierum generis *Ahermes* Rtt. 1891
(Coleoptera, Scarabaeidae).

Auctore

Andrea Semenov, petropolitano.

1 (2). Clypeus margine solummodo 4-dentato, denticulis accessoriis lateralibus destituto, lobulis genalibus anguliformiter extrorsum eminentibus, spatio marginis apicalis inter dentes medios simplici, lobuliformiter haud elevato. Pronotum elytris parum angustius, perconvexum, lateribus valde rotundatum, angulis anticis obtusiusculis; disco laxius crasse, plerumque subobsolete punctato. Elytra interstitiis vix conspicue disperse, ad apicem manifeste sed parce punctulata. Tibiae posticae perbreves, fortissime ad apicem dilatatae, minus trianguliformes, carinulis ciliatis marginis externi inter se minus distantibus. — Long. 7—8,5 mm. ¹⁾.

Hab., quantum constat, in desertis trans Volgam inferiorem: Rynpeski pr. Chanskaja-stavka (B. Jakovlev! Vl. Plushchevsky-Plushchik!).

Synonyma: *Cnemargus* ²⁾ *rufescens* (Stev. in litt.) Motsch. 1845. — *Mendidius rufescens* Rtt. 1888. — *Ahermes rufescens* Rtt. 1891, 1893.

***Ahermes rufescens* (Motsch. 1845).**

2 (1). Clypeus margine praeter 4 dentes apicales utrinque denticulo accessorio lateraliter posito armato, spatio marginis apicalis inter dentes medios sublobuliformiter, interdum fere denticuliformiter elevato. Pronotum elytris plerumque multo angustius, lateribus nunquam valde rotundatum. Tibiae posticae aspectu a latere plus minusve trianguliformes.

¹⁾ Examina 10 specimina ♂♀ (coll. P. Semenov).

²⁾ Nomen nudum a Motschulsky impositum.

3 (6). Elytra interstitiis ubique etiamsi subtiliter, tamen manifeste punctulatis. Species mongolicae, colore laete rufo, subuniformi.

4 (5). Minor. Clypeus, ut totum caput, minus brevis et transversalis, spatio inter dentes majusculos apicalem et subapicalem paulo tantum majore quam spatium inter hunc et denticulum accessorium lateralem, dentibus apicalibus inter se haud valde distantibus, lobulis genalibus obtusis, vix eminentibus. Carina frontalis tenuis subangulatum trielevata (aspectu a fronte vel a tergo). Pronotum lateribus rotundatum (imprimis in ♀), angulis anticis obtusiusculis, disco subcrasse copiose punctato. Elytra striis interstitiisque paulo fortius punctatis. — Long. 6,4—8 mm. ³).

Hab. in Mongolia australi: deserta arenosa Alashanica nec non Tengri-elisu dicta (exped. P. K o z l o v ! ²/₂ IX. 1901).

Synonyma nulla.

Ahermes kaznakovi, sp. n.

5 (4). Maximus. Clypeus, sicut totum caput, valde brevis et transversalis, late trapeziformis, spatio inter dentes minus evolutos apicalem et subapicalem duplo minore quam spatium inter hunc et denticulum accessorium lateralem, dentibus apicalibus inter se latissime distantibus, lobulis genalibus etsi non acute, tamen manifeste angulatis, extrorsum nonnihil eminentibus. Carina frontalis crassiuscula, subrecta fere non angulata. Pronotum lateribus in ♂ perparum, in ♀ parum rotundatum, angulis anticis acutiusculis, antrorsum subprominulis, disco tenuiter crebre punctato. Elytra striis interstitiisque paulo subtilius punctatis. Tibiae intermediae graciliores, angulo inferiore apicis valde porrecto; posticae longiusculae, elongato-triangulares. — Long. 9,5—11,5 mm. ⁴).

Hab. in Mongolia australi: deserta arenosa Alashanica nec non Tengri-elisu dicta (exped. P. K o z l o v ! ²/₂ IX et ¹/₂ X. 1901).

Synonyma nulla.

Ahermes kozlovi, sp. n.

6 (3). Elytra interstitiis praeter apicem impunctatis. Clypeus modice brevis et transversalis, spatio inter dentes majusculos prominulosque apicalem et subapicalem duplo minore quam spatium inter hunc et denticulum accessorium lateralem, dentibus apicalibus inter se modice distantibus, spatio marginis inter hos medio sublobiformiter elevato; lobulis genalibus obtusis, perparum eminentibus. Pronotum lateribus parum rotundatum, angulis anticis acutiusculis, antrorsum prominulis, callo crassiusculo obductis, disco confertim subtenuiter punctato. Tibiae

³) Examina 6 specimina ♂♀ (coll. P. S e m e n o v).

⁴) Examina 20 specimina ♂♀ (coll. P. S e m e n o v).

intermediae angulo apicali inferiore modice porrecto, posticae longiores quam in ceteris congeneribus, carinulis ciliatis lateris externi inter se late distantibus. — Long. 9,2 mm. ⁵).

Hab. in distr. Merv provinciae Transcaspicae: Imam-baba (C. Ahnger! 4. XI. 1899).

Synonyma nulla.

Ahermes ahngeri S e m. 1903.

Fontes.

M o t s c h u l s k y, V. d e, Remarques sur la collection de Coléoptères russes. [Bull. Soc. Nat. Mosc. 1845, p. 56].

R e i t t e r, E d m., Neue Coleopteren aus Europa etc. V. Theil. [Deutsche Ent. Zeitschr. 1888, pp. 425—426].

I d., Ueber die mit *Mendidius* Er. verwandten Gattungen. [Wien. Ent. Zeitg. 1891, p. 254].

I d., Bestimm.-Tabelle d. Lucaniden u. Coprophagen Lamellicornen (sic), 1892, pp. 20, 32, 33.

S e m e n o v, A., Coleoptera nova faunae turanicae, I. [Revue Russe d'Entom., III, 1903, p. 9].

⁵) Examinaui solum quod innotuit specimen (coll. P. S e m e n o v).